

史記
傳十四
之十八

內閣文庫		
五〇九	五〇九	漢
四架	冊號	番類

內閣文庫		
番號	漢	5069
冊數	50 (35)	
函號	279	18





孟子荀卿列傳第十四 **四** 漢書史記七十四

索隱曰按序傳孟嘗君第十四而此傳為第十五蓋後人差降之矣

太史公曰余讀孟子書至梁惠王問何以利吾國未嘗不廢書而歎也曰嗟乎利誠亂之始也未子罕言利者常防其原也故曰放於利而行多怨自天子至於庶人好利之弊何以異哉

孟軻邾人也

索隱曰軻音苦何反又苦賀反邾魯地名又云邾邾人徒邾故



也。正義曰：軻字子受，業子思之門人。索隱

與為齊鄉鄰，兗州縣。助以人為術字，則以軻親受業。孔伋之門道也。今言門人者，乃受業於子思之弟子也。

既通游事齊宣王，宣王不能用，適梁。梁惠王

不果，所言則見以為迂遠而闊於事情，當是

之時，秦用商君，富國彊兵；楚魏用吳起，戰勝

弱敵；齊威王宣王用孫臏田忌之徒，而諸侯

東面朝齊，天下方務於合從連衡，以攻伐為

賢，而孟軻乃述唐虞三代之德，是以所如者

不合，退而與萬章之徒。索隱曰：孟子有萬章

門人也。萬序詩書述仲尼之意，作孟子七篇

其後有騶子之屬，齊有三騶子，其前鄒忌以

鼓琴干威王，因及國政，封為成侯，而受相印。

先孟子，其次騶衍，後孟子，騶衍睹有國者益

淫侈，不能尚德，若大雅整之於身，施及黎庶

矣，乃深觀陰陽消息，而作怪迂之變，終始大

聖之篇十餘萬言，其語閎大不經，必先驗小

物推而大之至於無垠先序今以上至黃帝

學者所共術大並世盛衰並音蒲浪反○索隱曰言其大體隨

代盛衰觀時而說事因載其機祥度制推而遠之至天

地未生竊冥不可考而原也先列中國名山

大川通谷禽獸水土所殖物類所珍因而推

之及海外人之所不能睹稱引天地剖判以

來五德轉移治各有宜而符應若茲以為儒

者所謂中國者於天下乃八十一分居其一

分耳索隱曰桓寬王充並以術之所言迂怪虛妄發惑六國之君因納其異說所謂

匹夫而焚感諸侯也中國名曰赤縣神州赤縣神州內

自有九州禹之序九州是也不得為州數中

國外如赤縣神州者九乃所謂九州也於是

有裨海環之索隱曰裨音脾裨海小海也九州之外更有大瀛海故知此裨

是小海也且將有裨裨是小義也人民禽獸莫能相通者如

一區中者乃為一州如此者九乃有大瀛海

環其外天地之際焉其術皆此類也然要其

歸必止乎仁義節儉君臣上下六親之施始

也濫耳索隱曰濫即濫觴是江原之初始故此文意以濫為初也謂術之術言君

臣上下六親之際行事之所施所王公大人

初見其術懼然顧化索隱曰懼音劬謂術之術皆動人心見者莫不

懼然駐想又內心留顧而已化之敬從其後

不能行之是以騶子重於齊適梁惠王郊

迎執賓主之禮適趙平原君側行褻席索隱曰按

字林云褻音正結反韋昭音敷蔑反張揖三蒼訓詁云褻拂也謂側行而衣褻席為敬不

敢正坐當賓如燕昭王擁彗先驅索隱曰彗

之掃地以衣袂擁帚而却行恐塵埃之及長者所以為敬也請列弟子之

座而受業築碣石宮正義曰碣石宮在幽州薊縣西三十里寧臺之

東身親往師之作主運索隱曰劉向別錄云鄒子書有主運篇

其游諸侯見尊禮如此豈與仲尼菜色陳蔡

孟軻困於齊梁同乎哉索隱曰仲尼孟子法先王之道行仁義之

化且菜色困窮而鄒術執詭怪榮惑諸侯其見禮重如此可為長大息哉故武王

以仁義伐紂而王伯夷餓不食周粟衛靈公

問陳而孔子不答梁惠王謀欲攻趙孟軻稱

大王去邠索隱曰孟子大王去邠是軻對滕

同乎不此豈有意阿世俗苟合而已哉持方枘

欲內圓鑿其能入乎索隱曰方枘是荀也圓

以方首而內之圓孔不可入也故楚詞云以

方枘而納圓鑿者吾知其齟齬而不入也謂

戰國時仲尼孟軻以仁義或曰伊尹負鼎而

先合然後引之大道騶衍其言雖不軌儻亦

有牛鼎之意乎索隱曰呂氏春秋云馮牛之

也言術之術迂大倘若大用之是有牛鼎之

意而譙周亦云觀太史公此論是愛奇之甚

矣自騶衍與禪之稷下先生如淳于髡慎到

環淵接子田駢騶奭之徒索隱曰按稷齊之

名謂齊之學士集於稷門之下也環淵接子

古著書人之稱號也駢音步堅反又步經反

○正義曰慎子十卷在法家則戰國時處士

接子二篇田子二十五篇齊人游稷下號天

淳于髡齊人也博聞彊記學無所不至其諫說
慕嬰嬰之為人也然而承意觀色為務客有
見髡於梁惠王惠王屏左右獨坐而再見之
終無言也惠王怪之以讓客曰子之稱淳于
先生管晏不及及見寡人寡人未有得也豈
寡人不足為言邪何故哉客以謂髡曰固
也吾前見王王志在驅逐後復見王王志在
音聲吾是以默然客具以報王王大駭曰嗟

乎淳于先生誠聖人也前淳于先生之來人
有獻善馬者寡人未及視會先生至後先生
之來人有獻謳者未及試亦會先生來寡人
雖屏人然私心在彼有之索隱曰謂私心實
在彼馬與謳也

之謂我實有此二事也

後淳于髡見壹語連三日三夜

無倦惠王欲以卿相位待之髡因謝去於是
送以安車駕駟束帛加璧黃金百鎰終身不
仕

慎到趙人甲駢接子齊人環淵楚人皆學黃
老道德之術因發明序其指意故慎到著十
二論徐廣曰今慎子劉向所定有四十一篇環淵著上下篇而
甲駢接子皆有所論焉

騶奭者齊諸騶子亦頗采騶衍之術以紀文

於是齊王嘉之自如淳于髡以下皆命曰列

大夫為開第康莊之衢爾雅曰四達謂之衢五達謂之康六達謂

之高門大屋尊寵之覽天下諸侯賓客言齊

能致天下賢士也

荀卿趙人為卿也仕齊為祭酒仕楚為蘭陵

令後亦謂之孫卿子者避漢宣帝諱也年五十始來遊學於齊

騶衍之術迂大而閔辯奭也文具難施淳于

髡以與處時有得善言故齊人頌曰談天衍

雕龍奭炙轂徐廣曰一作亂調過髡劉向別錄曰騶

終始天地廣大盡言天事故曰談天騶奭修

字作輶輶者車之盛膏器也炙之雖盡猶有
餘流者言淳于髡智不盡如炙輶也左思齊

都賦注曰言其多智難盡如脂膏過之有潤澤也○索隱曰劉氏云轂衍字也今按文稱炙轂過過則是器名音如字謂感脂之器名過與鍋字相近蓋即脂器也轂即車轂過為潤轂之物則轂作衍字明矣田駢之屬皆已死齊襄王時

索隱曰襄王名法章而荀卿最為老師齊尚

循列大夫之缺而荀卿三為祭酒焉索隱曰禮食必

祭先飲酒亦然必以席中之尊者一人當祭耳後因以為官名故吳王濞為劉氏祭酒是

也而卿三為祭酒者謂荀卿出入前後三度處列大夫康莊之位而皆為其所尊故云三

為祭齊人或讒荀卿荀卿乃適楚而春申君

以為蘭陵令正義曰蘭陵縣屬東海郡今沂州承縣有蘭陵山春申

君死而荀卿廢因家蘭陵李斯嘗為弟子已

而相秦荀卿嫉濁世之政亡國亂君相屬不

遂大道而營於巫祝信禳祥鄙儒小拘如莊

周等又猾稽亂俗於是推儒墨道德之行事

興壞序列著數萬言而卒因葬蘭陵而趙亦

有公孫龍為堅白異同之辯晉太康地記云汝南西平縣有

龍淵水可用淬刀劍持堅利故有堅白之論云黃所以為堅也白所以為利也或辯之曰

白所以為不堅黃所以為不利○索隱曰龍即仲尼弟子也此云趙人弟子傳作衛人鄭玄云楚人各不能知其真又下文云並孔子同時或云在其後所以知非別人也○正義曰藝文志公孫龍子十四篇顏師古云即為堅白之辯按平原君傳鄒衍同時括地志云西平縣豫州西北百四十里有龍淵水也劇子之言徐廣曰按應云處子也○索隱曰著書之人姓劇氏而稱子也前史不記其名故趙有劇孟及劇辛也魏有李悝盡地力之教正義曰藝文志李悝文侯富楚有尸子長盧子劉向別錄曰趙有尸國強兵趙有尸子長盧子疑謂其在蜀今案尸子書晉人也名伏秦相衛鞅客也衛鞅商君謀事畫計立法理民未嘗不與倭規也商

君被刑倭忍并誅乃亡逃入蜀自為造此二十篇書凡六萬餘言卒因葬蜀○索隱曰尸子名倭音絞長盧未詳○阿之吁子焉徐廣正義曰長盧九篇楚人

者今之東阿○索隱曰吁音羊別錄作芋子今吁亦如字○正義曰按東齊州也藝文志云吁子十八篇名嬰齊人七十子之後顏師古云音弭按是齊人阿又屬齊恐顏公誤也

自如孟子至于吁子世多有其書故不論其

傳云蓋墨翟宋之大夫善守禦為節用墨子

輸般為雲梯之械成將以攻宋墨子聞之至于郢見公輸般墨子解帶為城以牒為械公輸般九設攻城之機變墨子九距之公輸般之攻械盡墨子之守固有餘公輸般詘而言

曰吾知所以距子矣吾不言墨子亦曰吾知子之所以距我者吾不言楚王問其故墨子曰公輸子之意不過欲殺臣殺臣宋莫能守臣守國之器在宋城上而待楚寇矣雖殺臣不能絕也楚王曰善哉吾請無攻宋城矣○索隱曰公輸為雲梯之械者按梯構木瞰高也雲者言其昇高入雲故曰雲梯械者器也謂攻城之樓櫓也與器械同墨子解帶為城者謂墨子所術解身上華帶以為城也以牒為械者牒小才扎也械者樓櫓等公輸般之攻械盡者劉氏云械謂飛梯撞車飛石車弩之具也訛音屈謂般技已盡墨守有或曰並餘滑厘者墨子弟子之字也厘音狸

孔子時或曰在其後索隱曰按別錄云墨子書有文子文子子夏之

弟子問於墨子如此則墨子者在七十子後也

索隱述贊曰

六國之末 戰勝相雄 軻遊齊魏

其說不通 退而著述 稱吾道窮

蘭陵事楚 鄒衍談空 康莊雖列

莫見收功

孟子荀卿列傳第十四 史記七十四

孟嘗君列傳第十五

史記七十五

孟嘗君名文，姓田氏。文之父曰靖郭君田嬰。

田嬰者，齊威王少子，而齊宣王庶弟也。索隱曰：戰

國策及諸書並無此言，蓋諸田之別子也。故戰國策每稱嬰子盼子，高誘注云：田盼，田嬰

也。王劭又按戰國策云：齊貌辨謂宣王曰：王方為太子時，辨謂靖郭君不若廢太子，更立

郊師，靖郭君不忍。宣王太息曰：寡人少，田嬰殊不知以此言之。嬰非軍王弟，羽也。

自威王時任職用事，與成侯鄒忌及田忌將

而救韓，伐魏，成侯與田忌爭寵。成侯賣田忌

田忌懼，襲齊之邊邑，不勝，亡走會。威王卒，宣

主立，知成侯賣田忌，乃復召田忌，以為將軍。

十二年，田忌與孫臏、田嬰俱伐魏，敗之馬陵。

虜魏太子申，而殺魏將龐涓。索隱曰：紀年當

年至三十一年，改為後元也。宣王七年，田嬰使於韓、魏、韓

魏服於齊，嬰與韓昭侯、魏惠王會齊宣王東

阿南。正義曰：東阿，齊州縣也。盟而去。索隱曰：紀年當惠

作平阿，又云十三年會齊威王于甄，與此月年齊宣王與梁惠王會甄，文同，但齊之威宣

史記卷七十五

二王文并并明年復與梁惠王會甄音是歲梁

惠王卒宣王九年田嬰相齊宣王與魏襄

主會徐州而相王也正義曰紀年云梁惠王三十年下邳遷于薛改

名徐趙威王聞之怒田嬰明年趙伐敗齊師

於徐州而使人逐田嬰田嬰使張丑說趙威

主威王乃止田嬰相齊十一年宣王卒湣王

即位即位三年而封田嬰於薛索隱曰紀年以為梁惠王

後元十三年四月齊威王封田嬰于薛十月齊城薛十四年薛子嬰來朝十五年齊威王

薨嬰初封彭越皆與此文異○正義曰初田薛故城在今徐州滕縣南四十四里也

嬰有子四十餘人其賤妾有子名丈丈以五

月五日生嬰告其母曰勿舉也其母竊舉生

之索隱曰上舉謂初誕而舉之下及長其母舉謂浴而乳之生謂長養之也

因兄弟而見其子丈於田嬰田嬰怒其母曰

吾令若去此子而敢生之何也丈頓首因曰

君所以不舉五月子者何故嬰曰五月子者

長與戶齊將不利其父母索隱曰風俗通云俗說五月五日生

子男害父也女害母也丈曰人生受命於天乎將受命於

戶邪嬰默然丈曰必受命於天君何憂焉必

受命於戶則可高其戶耳誰能至者嬰曰子

休矣久之丈承間問其父嬰曰子之子為何

曰為孫孫之孫為何曰為玄孫玄孫之孫為

何曰不能知也索隱曰爾雅云玄孫之子為

為仍仍孫之子為雲又有耳丈曰君用事相

齊至今三王矣齊不加廣而君私家富累萬

金門下不見一賢者丈聞將門必有將相門

必有相今君後宮蹈綺縠而士不得短褐索隱

曰短亦音豎豎褐謂褐衣而僕妾餘梁肉而

士不厭糟糠今君又尚厚積餘藏欲以遺所

不知何人索隱曰遺音唯季反猶而忘公家

之事日損丈竊怪之於是嬰乃禮丈使至家

待賓客賓客日進名聲聞於諸侯諸侯皆使

人請薛公田嬰以丈為太子嬰許之嬰卒謚

為靖郭君

皇覽曰靖郭君冢在魯國薛城中東南陬○索隱曰謚為靖郭君者

謂死後別號之曰靖郭耳則靖郭或封邑號故漢齊王舅父駟鈞封靖郭侯是也陬音鄒

亦音陬陬者殘偶也而文果代立於薛是為孟嘗君孟

嘗君在薛招致諸侯賓客及亡人有罪者皆

歸孟嘗君孟嘗君舍業厚遇之索隱曰舍業者捨棄其家

產業而厚事賓客也劉氏云舍音赦謂為之築舍立居業也以故傾天下

之士食客數千人無貴賤一與文等孟嘗君

待客坐語而屏風後常有侍史主記君所與

客語問親戚居處客去孟嘗君已使使存問

獻遺其親戚孟嘗君曾待客夜食有一人蔽

火光客怒以飯不等輟食辭去孟嘗君起自

持其飯比之客慙自到士以此多歸孟嘗君

孟嘗君客無所擇皆善遇之人人各自以為

孟嘗君親已秦昭王聞其賢乃先使涇陽君

為質於齊以求見孟嘗君孟嘗君將入秦賓

客莫欲其行諫不聽蘇代謂曰今日代從外

來見木偶人與土偶人相與語索隱曰偶音

為之偶類於人也蘇代以土木偶人曰天雨

子將敗矣土偶人曰我生於土敗則歸土今

天雨流子而行未知所止息也今秦虎狼之

國也而君欲往如有不得還君得無為土偶

人所笑乎孟嘗君乃止齊湣王二十五年復

卒使孟嘗君入秦昭王即以孟嘗君為秦相

人或說秦昭王曰孟嘗君賢而又齊族也今

相秦必先齊而後秦秦其危矣於是秦昭王

乃止囚孟嘗君謀欲殺之孟嘗君使人抵昭

王幸姬求解索隱曰抵音丁禮反按幸姬曰

妾願得君狐白裘韋昭曰以狐之白毛為裘謂集狐腋之毛言美而難

得者此時孟嘗君有一狐白裘直千金天下無

雙入秦獻之昭王更無他裘孟嘗君患之徧

問客莫能對最下坐有能為狗盜者曰臣能

得狐白裘乃夜為狗以入秦宮藏中正義曰

藏在浪

反取所獻狐白裘至以獻秦王幸姬幸姬為

言昭王昭王釋孟嘗君孟嘗君得出即馳去

更封傳變名姓以出關索隱曰更改也改前

是孟嘗君封傳今之驛券也夜半至函谷關正義曰關在

西南十里秦昭王後悔出孟嘗君求之已去即

使人馳傳逐之孟嘗君至關關法鷄鳴而出

客孟嘗君恐追至客之居下坐者有能為鷄

鳴而鷄盡鳴遂發傳出出如食頃秦追果至

關已後孟嘗君出乃還始孟嘗君列此二人

於賓客賓客盡羞之及孟嘗君有秦難卒此

二人拔之自是之後客皆服孟嘗君過趙趙

平原君客之趙人聞孟嘗君賢出觀之皆笑

曰始以薛公為魁然也今視之乃眇小丈夫

耳孟嘗君聞之怒客與俱者下所擊殺數百

人遂滅一縣以去齊湣王不自得以其遣孟

嘗君索隱曰得一作德是湣王遣孟嘗君至

則以為齊相任政孟嘗君怨秦將以齊為韓

魏攻楚因與韓魏攻秦徐廣曰年表曰韓魏齊共擊秦軍於函谷

而借兵食於西周蘇代為西周謂曰索隱曰戰國策

作韓慶為西君以齊為韓魏攻楚九年取宛

葉以北以彊韓魏正義曰宛在鄧州葉在許州二縣以北舊蜀楚二國

共沒以入韓魏今復攻秦以益之韓魏南無楚憂西

無秦患則齊危矣韓魏必輕齊畏秦臣為君

危之君不如令弊邑深合於秦而君無攻又

無借兵食君臨函谷而無攻令弊邑以君之

情謂秦昭王曰薛公必不破秦以彊韓魏其

攻秦也欲王之令楚王割東國以與齊正義曰東

國齊徐夷而秦出楚懷王以為和君令弊邑以此

惠秦秦得無破而以東國自免也秦必欲之

楚王得出必德齊齊得東國益彊而薛世世

無患矣秦不大弱而處三晉之西三晉必重

齊薛公曰善因令韓魏賀秦使三國無攻而

不借兵食於西周矣是時楚懷王入秦秦留之故欲必出之秦不果出楚懷王孟嘗君相

齊其舍人魏子為孟嘗君收邑入索隱曰舍人官微記

姓而啓其名故云魏子收謂收其國之租稅三反而不致一入孟

嘗君問之對曰有賢者竊假與之以故不致

入孟嘗君怒而退魏子居數年人或毀孟嘗

君於齊湣王曰孟嘗君將為亂及田甲劫湣

王湣王意疑孟嘗君孟嘗君乃奔索隱曰湣王三十四

年田甲劫王薛文走魏子所與粟賢者聞之乃上書言

孟嘗君不作亂請以身為盟遂自剄宮門以

明孟嘗君湣王乃驚而蹤跡驗問孟嘗君果

無反謀乃復召孟嘗君孟嘗君因謝病歸老

於薛湣王許之其後秦亡將呂禮相齊欲困

蘇代代乃謂孟嘗君曰周最於齊至厚也正義

曰周最周之公子而齊王逐之而聽親弗親弗人姓名○索隱

曰戰國策作祝弗蓋祝為得之相呂禮者欲取秦也齊秦合

則親弗與呂禮重矣有用齊秦必輕君君不

如急北兵趨趙以和秦魏收周最以厚行且

及齊王之信索隱曰周最本厚於齊今欲逐

令齊收周最以自厚其行又且得又禁天下

之變索隱曰變謂齊秦合則親弗齊無秦則

天下集齊親弗必走則齊王孰與為其國也

於是孟嘗君從其計而呂禮嫉害於孟嘗君

孟嘗君懼乃遺秦相穰侯魏冉書曰吾聞秦

欲以呂禮收齊齊天下之疆國也子必輕矣

齊秦相取以臨三晉呂禮必并相矣是子通

齊以重呂禮也若齊免於天下之兵其讎子

必深矣子不如勸秦王伐齊齊破吾請以所

得封子齊破秦畏晉之疆秦必重子以取晉

晉國弊於齊而畏秦晉必重子以取秦是子

破齊以為功挾晉以為重是子破齊定封秦

晉交重子若齊不破呂禮復用子必大窮於

是穰侯言於秦昭王伐齊而出禮亡後齊湣
王滅宋益驕欲去孟嘗君孟嘗君恐乃如魏
魏昭王以為相西合於秦趙與燕共伐破齊
齊湣王亡在昔遂死焉齊襄王立而孟嘗君
中立為諸侯無所屬齊襄王新立畏孟嘗君
與連和復親薛公文季謚為孟嘗君皇覽曰
冢在魯國薛城中向門東向門出北邊門也
詩云居常與許鄭玄曰常或作嘗在薛之南
孟嘗邑于薛城○索隱曰孟嘗襲父封薛而
號曰孟嘗君此云謚非也孟字嘗邑名嘗邑

在薛之旁○正義曰括地志云孟嘗君墓在
徐州滕縣五十二里卒在齊襄王之時也

諸子爭立而齊魏共滅薛孟嘗絕嗣無後也

初馮驩音歡復作煖聞孟嘗君好客躡屣而

見之索隱曰屣音脚字孟嘗君曰先生遠辱

何以教丈也馮驩曰聞君好士以貧身歸於

君孟嘗君置傳舍十日索隱曰傳音逐緣反

並當上中下三等孟嘗君問傳舍長曰客何

所為答曰馮先生甚貧猶有一劍耳又蒯綈

削音苦怪反茅之類可為繩言其劍把無物

可裝以小繩纏之也緘音侯亦作候謂把劍

之處○索隱曰削草名音削贖之削緘謂把

劍之物言其劍無物可裝但以削繩纏之故

云削彈其劍而謂曰長鉞歸來乎食無魚孟

嘗君遷之幸舍食有魚矣五日又問傳舍長

答曰客復彈劍而歌曰長鉞歸來乎出無輿

孟嘗君遷之代舍出入乘輿車矣五日孟嘗

君復問傳舍長舍長答曰先生又嘗彈劍而

歌曰長鉞歸來乎無以為家孟嘗君不悅居

暮年馮驩無所言孟嘗君時相齊封萬戶於

薛其食客三千人邑入不足以奉客正義曰奉符用

反使人出錢於薛歲餘不入貸錢者多不能

與其息索隱曰與猶還也客奉將不給孟嘗君

憂之問左右何人可使收債於薛者傳舍長

曰代舍客馮公形容狀貌甚辯長者無他伎

亦作能宜可令收債孟嘗君乃進馮驩而請

之曰賓客不知文不肖幸臨文者三千餘人

邑入不足以奉賓客故貸息錢於薛薛歲不
入民頗不與其息今客食恐不給願先生責
之馮驩曰諾辭行至薛召取孟嘗君錢者皆
會得息錢十萬乃多釀酒買肥牛召諸取錢
者能與息者皆來不能與息者亦來皆持取
錢之券書合之齊為會日殺牛置酒酒酣乃
持券如前合之能與息者與為期貧不能與
息者取其券而燒之曰孟嘗君所以貸錢者

為民之無者以為本業也所以求息者為無
以奉客也令富給者以要期貧窮者燔券書
以捐之諸君彊飲食有君如此豈可負哉坐
者皆起再拜孟嘗君聞馮驩燒券書怒而使
使召馮驩至孟嘗君曰文食客三千人故貸
錢於薛文奉邑少索隱曰言文之奉邑少故令出息於薛也而民
尚多不以時與其息客食恐不足故請先生
收責之聞先生得錢即以多具牛酒而燒券

書何馮驩曰然不多具牛酒即不能畢會無以知其有餘不足有餘者為要期不足者雖守而責之十年息愈多急即以逃亡自捐之若急終無以償上則為君好利不愛士民下則有離上抵負之名非所以厲士民彰君聲也焚無用虛債之券捐不可得之虛計令薛民親君而彰君之善聲也君有何疑焉孟嘗君乃拊手而謝之齊王惑於秦楚之毀以為

孟嘗君名高其主而擅齊國之權遂廢孟嘗君諸客見孟嘗君廢皆去馮驩曰借臣車一乘可以入秦者必令君重於國而奉邑益廣可乎孟嘗君乃約車幣而遣之馮驩乃西說秦王曰天下之游士憑軾結鞶西入秦者無不欲彊秦而弱齊憑軾結鞶東入齊者無不欲彊齊而弱秦此雄雌之國也勢不兩立為雄雄者得天下矣秦王跽而問之曰何以使

秦無為雌而可馮驩曰王亦知齊之廢孟嘗
君乎秦王曰聞之馮驩曰使齊重於天下者
孟嘗君也今齊王以毀廢之其心怨必背齊
背齊入秦則齊國之情人事之誠盡委之秦
齊地可得也豈直為雄也君急使使載幣陰
迎孟嘗君不可失時也如有齊覺悟復用孟
嘗君則雌雄之所在未可知也秦王大悅乃
遣車十乘黃金百鎰以迎孟嘗君馮驩辭以

先行至齊說齊王曰天下之游士憑軾結鞅
東入齊者無不欲彊齊而弱秦者憑軾結鞅
西入秦者無不欲彊秦而弱齊者夫秦齊雄
雌之國秦疆則齊弱矣此勢不兩雄今臣竊
聞秦遣使車十乘載黃金百鎰以迎孟嘗君
孟嘗君不西則已西入相秦則天下歸之秦
為雄而齊為雌雌則臨淄即墨危矣王何不
先秦使之未到復孟嘗君而益與之邑以謝

之孟嘗君必喜而受之秦雖疆國豈可以請
人相而迎之哉折秦之謀而絕其霸疆之略
齊王曰善乃使人至境俟秦使秦使車適入
齊境使還馳告之王召孟嘗君而復其相位
而與其故邑之地又益以千戶秦之使者聞
孟嘗君復相齊還車而去矣自齊王毀廢孟
嘗君諸客皆去後召而復之馮驩迎之未到
孟嘗君太息歎曰孟嘗好客遇客無所敢失

食客三千有餘人先生所知也客見孟一日
廢皆背孟而去莫顧孟者今賴先生得復其
位客亦有何面目復見孟乎如復見孟者必
唾其面而大辱之馮驩結轡下拜孟嘗君下
車接之曰先生為客謝乎馮驩曰非為客謝
也為君之言失夫物有必至事有固然君知
之乎孟嘗君曰愚不知所謂也曰生者必有
死物之必至也富貴多士貧賤寡友事之固

然也君獨不見夫朝趨市者乎索隱曰趨音

音趨明日側肩爭門而入日暮之後過市朝者

掉臂而不顧索隱曰過光卧反朝音潮言市

耳非好朝而惡暮所期物亡其中索隱曰日期

心中所期之物利入平明側肩爭門而入至

日暮所期亡其中亡者無也其中市朝之中

言日暮物盡故今君失位賓客皆去不足以

掉臂不顧也怨士而徒絕賓客之路願君遇客如故孟常

君再拜曰敬從命矣聞先生之言敢不奉教

焉

太史公曰吾嘗過薛其俗閭里率多暴桀子

弟與鄒魯殊問其故曰孟嘗君招致天下任

俠姦人入薛中盖六萬餘家矣世之傳孟嘗

君好客自喜名不虛矣

索隱述贊曰

靖郭之子 威王之孫 既彊其國

實高其門 好客喜士 見重平原

鷄鳴狗盜 魏子馮煖 如何承睫
解縣徒存

孟嘗君列傳第十五 史記七十五

平原君虞卿列傳第十六 史記七十六

平原君趙勝者正義勝反趙之諸公子也曰魏

公子傳曰趙諸子中勝最賢喜賓客賓客蓋

至者數千人平原君相趙惠文王及孝成王

三去相三復位封於東武城徐廣曰屬清河

州武平原君家樓臨民家民家有壁者槃散

行汲散亦作冊○索隱曰上壁音壁散音平

原君美人居樓上臨見大笑之明日壁者至

平原君門請曰臣聞君之喜士士不遠千里而至者以君能貴士而賤妾也臣不幸有罷

瘡之病徐廣曰瘡音隆瘡病也○索隱曰罷音皮瘡音呂宮反罷瘡背疾言腰曲

而背隆高也而君之後宮臨而笑臣臣願得笑臣

者頭平原君笑應曰諾蹇者去平原君笑曰

觀此豎子乃欲以一笑之故殺吾美人不亦

甚乎終不殺居歲餘賓客門下舍人稍稍引

去者過半平原君怪之曰勝所以待諸君者

未嘗敢失禮而去者何多也門下一人前對

曰以君之不殺笑蹇者以君為愛色而賤士

士即去耳於是平原君乃斬笑蹇者美人頭

自造門進蹇者因謝焉其後門下乃復稍稍

來是時齊有孟嘗魏有信陵趙有春申故爭

相傾以待士徐廣曰待一作得秦之圍邯鄲正義曰趙惠文

主十九年秦昭趙使平原君求救合從於楚約

與食客門下有勇力文武備具者二十人偕

平原君曰使文能取勝則善矣文不能取勝則歃血於華屋之下必得定從而還士不外索取於食客門下足矣得十九人餘無可取者無以滿二十人門下有毛遂者前自贊於平原君曰遂聞君將合從於楚約與食客門下二十人偕不外索今少一人願君即以遂備負而行矣平原君曰先生處勝之門下幾年於此矣毛遂曰三年於此矣平原君曰夫

賢士之處世也譬若錐之處囊中其末立見今先生處勝之門下三年於此矣左右未有所稱誦勝未有所聞是先生無所有也先生不能先生留毛遂曰臣乃今日請處囊中耳使遂蚤得處囊中乃穎脫而出索隱曰鄭玄曰穎環也脫音吐反荝特其末見而已平原君竟與毛遂偕十九人相與目笑之而未發也索隱曰發一作廢鄭玄云皆目視而輕笑之未能即廢棄之也毛遂比至趙與十九人論

議十九人皆服平原君與楚合從言其利害
日出而言之日中不決十九人謂毛遂曰先
生上毛遂按劍歷階而上謂平原君曰從之
利害兩言而決耳今日出而言從日中不決
何也楚王謂平原君曰客何為者也平原君
曰是勝之舍人也楚王叱曰胡不下吾乃與
而君言汝何為者也毛遂按劍而前曰王之
所以叱遂者以楚國之衆也今十步之內王

不得恃楚國之衆也王之命懸於遂手吾君
在前叱者何也且遂聞湯以七十里之地王
天下文王以百里之壤而臣諸侯豈其士卒
衆多哉誠能據其勢而奮其威今楚地方五
千里持戟百萬此霸王之資也以楚之疆天
下弗能當由起小豎子耳率數萬之衆興師
以與楚戰一戰而舉鄢郢再戰而燒夷陵三
戰而辱王之先人此百世之怨而趙之所羞

而王弗知惡焉正義曰惡鳥故反合從者為趙非為

趙也吾君在前叱者何也趙王曰唯唯誠若

先生之言謹奉社稷而以從毛遂曰從定乎

趙王曰定矣毛遂謂趙王之左右曰取雞狗

馬之血來索隱曰盟之所用牲貴賤不同天子用牛及馬諸侯以犬及豕大夫

已下用雞今此惣言盟之用毛遂奉銅盤索隱曰奉音捧若周禮則用珠盤也而跪進之趙王曰王當歃血

而定從次者吾君次者遂遂定從於殿上毛

遂左手持盤血而右手招十九人曰公相與

歃此血於堂下索隱曰歃音所甲反公等錄錄音祿曰

音六王助云錄借字耳又所謂因人成事者

也平原君已定從而歸歸至於趙曰勝不敢

復相士勝相士多者千人寡者百數自以為

不失天下之士今乃於毛先生而失之也毛

先生一至趙而使趙重於九鼎大呂索隱曰

呂國之寶器言毛遂至趙使趙重於九鼎大呂謂為天子所重也正義曰大呂周廟大

呂謂為天子所重也○正義曰大呂周廟大

呂謂為天子所重也○正義曰大呂周廟大

呂謂為天子所重也○正義曰大呂周廟大

鍾毛先生以三寸之舌彊於百萬之師勝不
敢復相士遂以為上客平原君既返趙楚使
春申君將兵赴救趙魏信陵君亦矯奪晉鄙
軍往救趙皆未至秦急圍邯鄲邯鄲急且降
平原君甚患之邯鄲傳舍吏子李同正義曰
名談木
史公詳說平原君曰君不憂趙亡邪平原君
曰趙亡則勝為虜何為不憂乎李同曰邯鄲
之民炊骨易子而食可謂急矣而君之後宮

曰百數婢妾被綺縠餘梁肉而民褐衣不完
糟糠不厭民困兵盡或剡木為矛矢而君器
物鍾磬自若使秦破趙君安得有此使趙得
全君何患無有今君誠能令夫人以下編於
士率之間分功而作家之所有盡散以饗士
士方其危苦之時易德耳正義曰言士方危
苦之時易有恩德
於是平原君從之得敢死之士三千人李同
遂與三千人赴秦軍秦軍為之却三十里亦

會趙魏救至秦兵遂罷邯鄲復存李周戰死

封其父為李侯徐廣曰河內城阜有李城正義曰懷州溫縣本李城也

李周父所封隋煬帝從故溫城移縣於此虞卿欲以信陵君之存

邯鄲為平原君請封公孫龍聞之夜駕見平

原君曰龍聞虞卿欲以信陵君之存邯鄲為

君請封有之乎平原君曰然龍曰此甚不可

且王舉君而相趙者非以君之智能為趙國

無有也割東武城而封君者非以君為有功

也而以國人無勳乃以君為親戚故也君受

相印不辭無能割地不言無功者亦自以為

親戚故也今信陵君存邯鄲而請封是親戚


受城而國人計功也徐廣曰一本是親戚此受城而以國許人

甚不可且虞卿操其兩權事成操右券以責

索隱曰言虞卿論平原君取封事成則操其右券以責其報德也事不成以

虛名德君君必勿聽也平原君遂不聽虞卿

平原君以趙孝成王十五年索隱曰六國年表及世家



並云十四年子孫代後竟與趙俱亡平原君

卒與此不同子孫代後竟與趙俱亡平原君

厚待公孫龍公孫龍善為堅白之辯及鄒衍

過趙索隱曰言至道乃紂公孫龍劉向別錄

術過趙平原君見公孫龍及其徒棊母子之

屬論白馬非馬之辯以問鄒子鄒子曰不可

彼天下之辯有五勝三至而辭正為下辯者

別殊類使不相害序異端使不相亂抒意通

指明其所謂使人與知焉不務相迷也故勝

者不失其所謂守不勝者得其所求若是故辯

可為也及至煩文以相假飾辭以相博巧譬

以相移引入聲使不得及其意如此害大道

夫繳紛爭言而競後息不能無害君子坐皆

稱善○索隱曰抒音墅抒者寄也繳音糾謂

繳繞紛亂爭言而竟後息不能無害也

虞卿者游說之士也躡躡擔簞徐廣曰躡草履也

登音登登有柄者謂之說趙孝成王一見賜

黃金百鎰白璧一雙冉見為趙上卿故號為

虞卿謙周曰食邑於真○索隱曰趙之真秦

趙戰於長平趙不勝亡一都尉趙王召樓昌

與虞卿曰軍戰不勝尉復死徐廣曰復寡人

使東甲而趨之何如樓昌曰無益也不如發

重使為媾古后反求和曰媾○索隱虞卿曰

甞言媾者以為不媾軍必破也而制媾者在

秦且王之論秦也欲破趙之軍乎不邪王曰

秦不遺餘力矣必且欲破趙軍虞卿曰王聽

臣發使出重寶以附趙魏趙魏欲得王之重

寶必內吾使趙使入楚魏秦必疑天下之合

從且必恐如此則媾乃可為也趙王不聽與

平陽君為媾發鄭朱入秦秦內之趙王名虞

卿曰寡人使平陽君為媾於秦秦已內鄭朱

矣卿以為奚如虞卿對曰王不得媾軍必破

矣天下賀戰勝者皆在秦矣鄭朱貴人也入

秦秦王與應侯必顯重以示天下楚魏以趙

為媾必不救王秦知天下不救王則媾不可

得成也應侯果顯鄭朱以示天下賀戰勝者

終不肯媾長平大敗遂圍邯鄲為天下笑秦

既解邯鄲圍而趙王入朝使趙郝音釋徐廣

約事於秦割六縣而媾虞卿謂趙王曰秦之
攻王也倦而歸乎王以其力尚能進愛王而
弗攻乎王曰秦之攻我也不遺餘力矣必以
倦而歸也虞卿曰秦以其力攻其所不能取
倦而歸王又以其力之所不能取以送之是
助秦自攻也來年秦復攻王王無救矣王以
虞卿之言告趙郝趙郝曰虞卿誠能盡秦力
之所至乎誠知秦力之所不能進此彈丸之

地弗予令秦來年復攻王王得無割其內而
媾乎王曰請聽子割矣子能必使來年秦之
不復攻我乎趙郝對曰此非臣之所敢任也
他日三晉之交於秦相善也今秦善韓魏而
攻王王之所以事秦必不如韓魏也今臣為
足下解負親之攻索隱曰為足下解其開關
通弊齊交韓魏至來年而王獨取攻於秦此
王之所以事秦必在韓魏之後也此非臣之

既敢任也王以告虞卿虞卿對曰郝言不媾
來年秦復攻王王得無割其內而媾乎今媾
郝又以不能必秦之不復攻也今雖割六城
何益來年復攻又割其力之所不能取而媾
此自盡之術也不如無媾秦雖善攻不能取
六縣趙雖不能守終不失六城秦倦而歸兵
必罷我曰六城收天下以攻罷秦是我失之
於天下而取償於秦也吾國尚利孰與坐而

割地自弱以彊秦哉今郝曰秦善韓魏而攻
趙者必以為韓魏不救趙也而王之軍必孤
有以王之事秦不如韓魏也是使王歲以六
城事秦也即坐而城盡來年秦復求割地王
將與之乎弗與是棄前功而挑秦禍也與之
則無地而給之語曰彊者善攻弱者不能守
今坐而聽秦秦兵不弊而多得地是彊秦而
弱趙也以益彊之秦而割愈弱之趙其計故

不止矣且王之地位有盡而秦之求無已以有
盡之地而給無已之求其勢必無趙矣趙王
計未定樓緩從秦來趙王與樓緩計之曰予
秦地何如母予孰吉緩辭讓曰此非臣之所
能知也王曰雖然試言公之私索隱曰按私謂私心也
樓緩對曰王亦聞夫公甫文伯母乎正義曰從祖母文伯名歎康子從父昆弟公甫文伯仕於魯病死女
子為自殺於房中者二人其母聞之弗哭也

其相室曰正義曰謂傳姆之類也焉有子死而弗哭者

乎其母曰孔子賢人也逐於魯而是人不隨

也今死而婦人為之自殺者二人若是者必

其於長者薄而於婦人厚也故從母言之是

為賢母從妻言之是必不免為妬妻故其言

一也言者異則人心變矣今臣新從秦來而

言勿予則非計也言予之恐王以臣為為秦

也故不敢對使臣得為大王計不如予之王

曰諾虞卿聞之入見王曰此飾說也王有勿
予徐廣曰樓緩聞之往見王王又以虞卿之
言告樓緩樓緩對曰不然虞卿得其一不得
其二夫秦趙構難而天下皆說何也曰吾且
因彊而乘弱矣今趙兵困於秦天下之賀戰
勝者則必盡在於秦矣故不如亟割地為和
以疑天下而慰秦之心不然天下將因秦之
彊怒乘趙之弊瓜分之趙且亡何秦之圖乎

故曰虞卿得其一不得其二願王以此決之
勿復計也虞卿聞之往見王曰危哉樓子之
所以為秦者是愈疑天下而何慰秦之心哉
獨不言其示天下弱乎且臣言勿予者非固
勿予而已也秦索六城於王而王以六城賂
齊秦之深讎也得王之六城并力西擊秦
齊之聽王不待辭之畢也則是王失之於齊
而取償於秦也而齊趙之深讎可以報矣而

示天下有能為也王以此發聲兵未窺於境
臣見秦之重賂至趙而反媾於王也從秦為
媾韓魏聞之必盡重王重王必出重寶以先
於王則是王一舉而結三國之親而與秦易
道也正義曰前取秦攻今得趙王曰善則使
虞卿東見齊王與之謀秦虞卿未返秦使者
已在趙矣樓緩聞之亡去趙於是封虞卿以
一城居頃之而魏請為從趙孝成王召虞卿

謀過平原君

索隱曰過音戈

平原君曰願卿之論從

也虞卿入見王王曰魏請為從對曰魏過

光

反王曰寡人固未之許對曰王過王曰魏請

從卿曰魏過寡人未之許又曰寡人過然則

從終不可乎對曰臣聞小國之與大國從事

也有利則大國受其福有敗則小國受其禍

今魏以小國請其禍而王以大國辭其福臣

故曰王過魏亦過竊以為從便王曰善乃合

魏為從虞卿既以魏齊之故不重萬戶侯卿

相之印與魏齊間行率去趙困於梁魏齊已

死不得意乃著書索隱曰魏齊魏相與應侯

卿奔相印乃與齊間行亡歸梁以託信陵君

信陵君疑未決齊自殺故虞卿失相乃窮愁

而著也上採春秋下觀近世曰節義稱號揣摩

政謀凡八篇以刺譏國家得失世傳之曰虞

氏春秋正義曰藝文志云十五篇

太史公曰平原君翩翩濁世之佳公子也然

未睹大體鄙語曰利令智昏平原君貪馮亭

邪說使趙陷長平兵四十餘萬眾邯鄲幾亡

燕周曰長平之陷乃趙王信間易將之咎何怨平原受馮亭哉虞卿料事揣

情為趙畫策何其工也及不忍魏齊卒困於

大梁庸夫且知其不可况賢人乎然虞卿非

窮愁亦不能著書以自見於後世云

索隱述贊曰

翩翩公子 天下奇器 笑姬從我

義士增氣 兵解李周 盟定毛遂

虞卿躡蹻 受賞料事 乃因魏齊

著書見意

平原君虞卿列傳第十六 史記七十六

信陵君列傳第十七 史記七十七

魏公子無忌者魏昭王少子而魏安釐王異
母弟也昭王薨安釐王即位封公子為信陵

君索隱曰地理志無信陵或曰是鄉邑名是時范雎亡魏相秦

以怨魏齊故秦兵圍大梁破魏華陽下軍走
芒卯魏王及公子患之公子為人仁而下士

士無賢不肖皆謙而禮交之不敢以其富貴
驕士士以此方數千里爭往歸之致食客三

千人當是時諸侯以公子賢多客不敢加兵

謀魏十餘年公子與魏王博而北境傳舉烽

言趙寇至且入界文穎曰作高木檣檣上作桔槔槔槔頭堯零以薪置

其中謂之烽常低之有寇即火然舉之以相告魏王釋博欲召大臣

謀公子止王曰趙王田獵耳非為寇也正義

日為于偽反復博如故王恐心不在博居頃復從

北方來傳言曰趙王獵耳非為寇也魏王大

驚曰公子何以知之公子曰臣之客有能探

得趙王陰事者趙王所為客輒以報臣臣以

此知之是後魏王畏公子之賢能不敢任公

子以國政魏有隱士曰侯嬴索隱曰音盈又曹植音贏瘦之

贏年七十家貧為大梁夷門監者公子聞之

往請欲厚遺之不肯受曰臣脩身絜行數十

年終不以監門困故而受公子財公子於是

乃置酒大會賓客坐定公子從車騎虛左自

迎夷門侯生侯生攝弊衣冠直上載公子上

坐不讓欲以觀公子公子執轡愈恭侯生又
謂公子曰臣有客在市屠中願枉車騎過之
公子引車入市侯生下見其客朱亥俾倪索
日俾音浦計反倪音五計反鄭誕生俾音故
疋未反倪音五第反○正義曰不正視也
父立與其客語微察公子公子顏色愈和當
是時魏將相宗室賓客滿堂待公子舉酒市
人皆觀公子執轡從騎皆竊罵侯生侯生視
公子色終不變乃謝客就車至家公子引侯

生坐上坐徧贊賓客

索隱曰徧音遍贊告也謂以侯生徧告賓客

賓客皆驚酒酣公子起為壽侯生前侯生因

謂公子曰今日嬴之為公子亦足矣

徐廣曰為一作

蓋嬴乃夷門抱關者也而公子親枉車騎自

迎嬴於眾人廣坐之中不宜有所過今公子

故過之然嬴欲就公子之名故父立公子車

騎市中過客以觀公子公子愈恭市人皆以

嬴為小人而以公子為長者能下士也於是

罷酒，侯生遂為上客。侯生謂公子曰：「臣所過屠者，朱亥此子賢者，世莫能知，故隱屠間耳。」公子往，數請之。朱亥故不復謝。公子怪之。魏安釐王二十年，秦昭王已破趙長平軍，又進兵圍邯鄲。公子姊為趙惠文王弟平原君夫人，數遺魏王及公子書，請救於魏。魏王使將軍晉鄙索隱曰：魏將姓名將十萬眾救趙。秦王使使者告魏王曰：「吾攻趙，旦暮且下，而諸侯敢救

者，已拔趙，必移兵先擊之。」魏王恐，使人止晉鄙留軍壁鄴，名為救趙，實持兩端以觀望。平原君使者冠蓋相屬於魏，讓魏。公子曰：「勝所_{スミヤケニ}以自附為婚姻者，以公子之高義為能急人之困。今邯鄲且暮降秦，而魏救不至，安在公子能急人之困也？」且公子縱輕勝，棄之降秦，獨不憐公子姊。邪？公子患之，數請魏王及賓客辯士說王。萬端，魏王畏秦，終不聽公子。公

子自度終不能得之於王計不獨生而令趙
亡乃請賓客約車騎百餘乘欲以客往赴秦
軍與趙俱死行過夷門見侯生具告所以欲
死秦軍狀辭決而行侯生曰公子勉之矣老
臣不能從公子行數里心不快曰吾所以待
侯生者備矣天下莫不聞今吾且死而侯生
曾無一言半辭送我我豈有所失哉復引車
還問侯生侯生笑曰臣固知公子之還也曰

公子喜士名聞天下今有難無他端而欲赴
秦軍譬若以肉投餒虎何功之有哉尚安事
客然公子遇臣厚公子往而臣不送以是知
公子恨之復返也公子再拜因問侯生乃屏
人間語索隱曰閒音曰嬴聞晉鄙之兵符常
在王卧内而如姬最幸出入王卧内力能竊
之嬴聞如姬父為人所殺如姬資之三年索

日舊解資之三年謂服齊襄也今按資者畜也謂欲為父報仇之資蓄於心已得三年也

自王以下欲求報其父仇莫能得如姬為公
子泣公子使客斬其仇頭敬進如姬如姬之
欲為公子死無所辭顧未有路耳公子誠一
開口請如姬如姬必許諾則得虎符奪晉鄙
軍北救趙而西却秦此五霸之伐也公子從
其計請如姬如姬果盜晉鄙兵符與公子公
子行侯生曰將在外主令有所不受以便國
家公子即合符而晉鄙不授公子兵而復請

之事必危矣臣客屠者朱亥可與俱此人力
士晉鄙聽大善不聽可使擊之於是公子泣
侯生曰公子畏死耶何泣也公子曰晉鄙嚙

サシ

上音烏百反下音莊白反○索隱曰嚙嚼謂多詞句也○正義曰聲類云嚙大笑嚼

呼大

宿將往恐不聽必當殺之是呂泣耳豈畏

死哉於是公子請朱亥朱亥笑曰臣乃市井
鼓刀屠者而公子親數存之所以不報謝者
以為小禮無所用今公子有急此乃臣效命

之秋也。遂與公子俱。公子過謝侯生。侯生曰：臣宜從，老不能請。數公子行日，以至晉鄙軍之日，北鄉自到，以送公子。公子遂行至鄴，矯魏王令，代晉鄙。晉鄙合符疑之，舉手視公子，曰：今吾擁十萬之衆，屯於境上，國之重任，今單車來代之，何如哉？欲無聽，朱亥袖四十斤鐵椎，推殺晉鄙。公子遂將晉鄙軍，勒兵下令軍中曰：父子俱在軍中，父歸，兄弟俱在軍中。

兄歸，獨子無兄弟歸，養得選兵八萬人，進兵擊秦軍。秦軍解去，遂救邯鄲，存趙。趙王及平原君自迎公子於界，平原君負韃矢。

呂忱曰：韃盛弩。

矢○索隱曰：韃音蘭，謂以盛矢如今之胡倉而短也。呂姓，忱名，作字林者。為公子

先引趙王再拜曰：自古賢人未有及公子者也。當此之時，平原君不敢自比於人，公子與侯生決至軍，侯生果北鄉自到。魏王怒公子之盜其兵符，矯殺晉鄙，公子亦自知也。已却

秦存趙使將將其軍歸魏而公子獨與客留
趙趙孝成王德公子之矯奪晉鄙兵而存趙
乃與平原君計曰五城封公子公子聞之意
驕矜而有自功之色客有說公子曰物有不
可忘或有不可不忘夫人有德於公子公子
不可忘也公子有德於人願公子忘之也且
矯魏王令奪晉鄙兵以救趙於趙則有功矣
於魏則未為忠臣也公子乃自驕而功之竊

為公子不取也於是公子立自責似若無所
容者趙王掃除自迎執主人之禮引公子就
西階公子側行辭讓從東階上禮記曰主人就東階客就西階客若降等則就主人之階自言臯過以負於魏索隱曰負音佩
無功於趙趙王侍酒至暮口不忍獻五城以
公子退讓也公子竟留趙趙王以鄔為公子
湯沐邑索隱曰鄔音霍趙邑名屬常山魏亦復以信陵奉公
子公子留趙公子聞趙有處士毛公藏於博

徒辭公藏於膏漿家徐廣曰漿或作膠○索隱曰徐按別錄云也

公子欲見兩人兩人自匿不肯見公子公子

聞所在乃間步往從此兩人游甚歡平原君

聞之謂其夫人曰始吾聞夫人弟公子天下

無雙今吾聞之乃妄從博徒賣漿者游公子

妄人耳夫人以告公子公子乃謝夫人去曰

始吾聞平原君賢故負魏王而救趙以稱平

原君平原君之游徒豪舉耳索隱曰謂豪者舉之舉亦音據

也 不求士也無忌自在大梁時常聞此兩人

賢至趙恐不得見以無忌從之游尚恐其不

我欲也今平原君乃以為羞其不足從游乃

裝為去夫人具以語平原君平原君乃免冠

謝固留公子平原君門下聞之半去平原君

歸公子天下士復往歸公子公子傾平原君

客公子留趙十年不歸秦聞公子在趙日夜

出兵東伐魏魏王患之使使往請公子公子

恐其怒之乃誠門下有敢為魏王使通者死
賓客皆皆魏之趙莫敢勸公子歸毛公薛公
兩人索隱曰史失其名往見公子曰公子所以重於
趙名聞諸侯者徒以有魏也今秦攻魏魏急
而公子不恤使秦破大梁而夷先王之宗廟
公子當何面自立天下乎語未及卒公子立
變色告車趣駕歸救魏魏王見公子相與泣
而以上將軍印授公子公子遂將魏安釐王

三十年公子使使遍告諸侯諸侯聞公子將
各遣將將兵救魏公子率五國之兵破秦軍
於河外走蒙驁遂乘勝逐秦軍至函谷關抑
秦兵索隱曰抑音憶謂以兵蹙之秦兵不敢出當是時公
子威振天下諸侯之客進兵法公子皆名之
故世俗稱魏公子兵法劉歆七略有魏公子兵法二十一篇圖七
卷○索隱曰公子所得進兵法而必稱其名以言其怒也秦王患之乃行
金萬斤於魏求晉鄙客令毀公子於魏王曰

公子亡在外十年矣今為魏將諸侯將皆屬
諸侯徒聞魏公子不聞魏王公子亦欲因此
時定南面而王諸侯畏公子之威方欲共立
之秦數使反間偽賀公子得立為魏王未也
魏王日聞其毀不能不信後果使人代公子
將公子自知再以毀廢乃謝病不朝與賓客
為長夜飲飲醇酒多近婦女日夜為樂飲者
四歲竟病酒而卒其歲魏安釐王亦薨秦聞

公子死使蒙驁攻魏拔二十城初置東郡其

後秦稍蠶食魏十八歲而虜魏王屠大梁

索隱

日魏王名假高祖始徵少時數聞公子賢及即天

子位每過大梁常祠公子高祖十二年從擊

黥布還為公子置守冢五家世世歲以四時

奉祠公子

太史公曰吾過大梁之墟求問其所謂夷門
夷門者城之東門也天下諸公子亦有喜士

者矣然信陵君之接巖穴隱者不恥下交有
以也名冠諸侯不虛耳高祖每過之而令民
奉祠不絕也

索隱述贊曰

信陵下士鄰國相傾以公子故

不敢加兵頗知朱亥盡禮侯嬴

逐却曹鄙終辭趙城毛薛見重

萬古希聲

信陵君列傳第十七

史記七十七

信陵君名魏無忌魏襄王少子也魏襄王死無子魏國人共立信陵君為魏王信陵君自是為魏王也信陵君好士有士者必往信陵君居也信陵君好士有士者必往信陵君居也信陵君好士有士者必往信陵君居也

春申君列傳第十八

史記七十八

春申君者楚人也名歇姓黃氏游學博聞事

楚頃襄王索隱曰名橫考烈王宗之父頃襄王以歇為辯

使於秦秦昭王使白起攻韓魏敗之於華陽

禽魏將芒卯韓魏服而事秦秦昭王方令白

起與韓魏共伐楚未行而楚使黃歇適至於

秦聞秦之計當是之時秦已前使白起攻楚

取巫黔中之郡拔鄢郢東至竟陵正義曰竟陵屬江夏

也楚頃襄王東徙治於陳縣正義曰今陳州也黃歇

見楚懷王之為秦所誘而入朝遂見欺留死

於秦頃襄王其子也秦輕之恐壹舉兵而滅

楚歇乃上書說秦昭王曰天下莫彊於秦楚

今聞大王欲伐楚此猶兩虎相與鬪兩虎相

與鬪而鴛犬受其弊索隱曰謂兩虎鬪乃受弊於鴛犬劉氏云受猶

也不如善楚臣請言其說臣聞物至則反冬

夏是也正義曰至極也極則反也冬至陰之極夏至陽之極致至則危

徐廣曰至或作安累基是也今大國之地徧天下有

其二垂正義曰言此從生民已來萬乘之地

未嘗有也先帝文王莊王之身三世不忘接

地於齊以絕從親之要索隱曰音腰以言山東從韓魏是其腰

今王使盛橋守事於韓索隱曰秦使盛橋守事於韓亦如楚使召

滑相趙然也並內行章義之難盛橋以其地入秦是王不用

甲不信威索隱曰信音申而得百里之地王可謂能

矣王又舉甲而攻魏杜大梁之門舉河內拔

燕酸棗虛徐廣曰秦始皇五年取酸棗燕虛蘇代曰決宿胥之口魏無虛頓丘

桃徐廣曰燕縣有桃城入邢徐廣曰平阜有邢丘○正義曰邢丘在懷州武德縣

東南二十里魏之兵雲翔而不敢掠王之功亦多

矣王休甲息衆二年而後復之又并蒲衍首

垣徐廣曰蘇秦云北有河外卷衍長垣縣有蒲鄉○索隱曰此蒲在衛之長垣蒲鄉也

衍在河南與卷近首蓋牛首垣以臨仁平丘

徐廣曰屬陳留○索隱曰仁及平丘二縣名謂以兵臨此二縣則黃及濟陽等自嬰城而

守也地理志平丘黃濟陽嬰城徐廣曰蘇代縣屬陳留仁關

口魏無黃濟陽正義曰故黃城在曹州考
城縣東濟陽故城在曹州宛句縣西南嬰城

詳而魏氏服王又割濮磨之北徐廣曰濮水北於鉅野入

濟索隱曰注齊秦之要絕楚趙之脊正義曰劉

地名近濮伯莊云言秦得魏天下五合六聚而不敢救

王之威亦單矣徐廣曰單亦作殫○索隱曰

也盡行王若能持功守威絀攻取之心而肥仁

義之地使無後患三王不足四五伯不足六

也王若負人徒之衆仗兵革之彊乘毀魏之

比

威而欲以力臣天下之主臣恐其有後患也

詩曰靡不有初鮮克有終易曰狐涉水濡其

尾正義曰言狐惜其尾每涉水舉尾不令此

言始之易終之難也何以知其然也昔智氏

見伐趙之利而不知榆次之禍索隱曰智伯

地理志屬太原有搜陽鄉是也正義曰榆

次并州縣也注水經云榆次縣南同遇水側

有鑿臺吳見伐齊之便而不知干隧之敗索隱曰干

隧具之敗處地名干水邊也隧道路也正義曰干隧具地名也出萬安山西南一里太

湖即吳王夫差自到處此二國者非無大功

也索隱曰謂智伯及吳王沒伐趙

於後後即榆次干隧之難也吳之信越也

從而伐齊索隱曰從音絕用反既勝齊人於

艾陵正義曰艾山在兗州還為越王禽三渚

之浦戰國策曰三江之浦○正義曰吳俗傳

乃開渠曰示浦入破吳王於姑蘇敗干隧也

智氏之信韓魏也從而伐趙攻晉陽城正義

城州勝有日矣韓魏叛之殺智伯瑤於鑿臺之

下徐廣曰鑿臺在榆次今王妬楚之不毀也而忘毀楚

之疆韓魏也臣為王慮而不取也詩曰大武

遠宅而不涉正義曰言大軍從此觀之楚國

援也鄰國敵也詩云趯趯韓免遇犬獲之

章句曰趯趯往來貌獲得也言趯趯之免免

謂狡兔數往來逃匿其跡有時遇犬得之毛

者謂田犬○索隱曰趯天歷反免音讒他人

有心余忖度之今王中道而信韓魏之善王

再

也此正吳之信越也臣聞之敵不可假時不

可失臣恐韓魏卑辭除患而實欲欺大國也

索隱曰大國謂秦也何則王無重世之德於韓魏而有

累世之怨焉索隱曰重世猶曲世也夫韓魏父子兄弟

接踵而死於秦者將十世矣本國殘社稷壞

宗廟毀剝腹絕腸折頸捐頤徐廣曰一作顛

音夷願首身分離暴骸骨於草澤頭顱僵仆相

望於境父子老弱係脰束手為群虜者相及

於路鬼神孤傷無所血食人民不聊生族類

離散流亡為僕妾者盈滿海內矣故韓魏之

不亡秦社稷之憂也今王貨之與攻趙不亦

過乎且王攻趙將惡出兵正義曰王將借路

於仇讎之韓魏乎兵出之日而王憂其不返

也是王以兵資於仇讎之韓魏也王若不借

路於仇讎之韓魏必攻隨水右壤隨水右壤

此皆廣川大水山林谿谷不食之地也索隱曰楚

都陳隨水之右壤蓋在隨之西今王雖有之

鄧州之西其地多山林者是也

不為得地是王有毀楚之名而無得地之實

也且王攻楚之日四國必悉起兵以應王秦

楚之兵構而不離魏氏將出而攻留方與銓

湖陵碭蕭相故宋必盡正義曰徐州西宋州東兗州南並故宋地

齊人南面攻楚泗上必舉正義曰此時徐泗屬齊也此皆

平原四達膏腴之地而使獨攻索隱曰若秦則魏盡故宋齊取泗上是使齊魏獨攻伐而得其利者也王破楚以肥韓

魏於中國而勁齊韓魏之疆足以校於秦索隱

日校音毅謂足以與秦為敵也一云校者報也言力能報秦齊南以泗水

為境東負海北倚河而無後患天下之國莫

疆於齊魏齊魏得地葆利而詳事下吏一年

之後為帝未能其於禁王之為帝有餘矣索隱

日言齊一年之後未即能為帝而能禁秦為帝有餘力矣然禁字作劫者誤也夫以

王壤土之博人徒之衆兵革之彊壹舉事而

樹怨於楚遲令韓魏歸帝重於齊是王失計

也徐廣曰遲一作還○索隱曰遲音值值猶

秦之計失也臣為王慮莫若善楚秦楚合而為一

以臨韓韓必斂手王施以東山之險帶以曲

河之利韓必為關內之侯若是而王以十萬

戍鄭梁氏寒心許鄆陵嬰城而上蔡召陵不

往來也如此而魏亦關內侯矣王壹善楚而

關內兩萬乘之主注地於齊索隱曰注謂齊

右壤可拱手而取也正義曰右壤謂王之地

一經兩海索隱曰西海至東海皆是秦地要

約天下是燕趙無齊楚齊楚無燕趙也然後

危動燕趙直搖齊楚此四國者不待痛而服

矣昭王曰善於是乃止白起而謝韓魏發使

賂趙約為與國黃歇受約歸楚楚使歇與太

子完入質於秦秦留之數年趙頃襄王病太

子不得歸而趙太子與秦相應侯善於是黃

歇乃說應侯曰相國誠善楚太子乎應侯曰

然歌曰今楚王恐不起疾秦不如歸其太子
太子得立其事秦必重而德相國無窮是親
與國而得儲萬乘也若不歸則咸陽一布衣
耳楚更立太子必不事秦夫失與國而絕萬
乘之和非計也願相國孰慮之應侯以聞秦
王秦王曰今楚太子之傅先往問楚王之疾
返而後圖之黃歇為楚太子計曰秦之留太
子也欲以求利也今太子力未能有以利秦

也歌憂之甚而陽文君子二人在中王若卒
大命太子不在陽文君子必立為後太子不
得奉宗廟矣不如亡秦與使者俱出臣請止
以死當之楚太子因變衣服為楚使者御以
出關而黃歇守舍常為謝病度太子已遠秦
不能追歌乃自言秦昭王曰楚太子已歸出
遠矣歌當死願賜死昭王大怒欲聽其自殺
也應侯曰歌為人臣出身以徇其主太子立

必用歌故不如無罪而歸之以親楚秦因遣

黃歇歌至楚三月楚頃襄王卒徐廣曰三十六年太

子完立是為考烈王考烈王元年以黃歇為

相封為春申君正義曰然四君封邑檢皆不獲唯平原有地又非趙境並

蓋號謚而賜淮北地十二縣後十五歲黃歇

言之楚王曰淮北地邊齊其事急請以為郡

便因并獻淮北十二縣請封於江東考烈王

許之春申君因城故吳墟正義曰虛音墟闔閭今蘇州也於城

內小城西北別築城居之今圯毀也又大內北續四從五橫至今猶存又攻破楚門為昌

門以自為都邑春申君既相楚是時齊有孟

嘗君趙有平原君魏有信陵君方爭下士招

致賓客以相傾奪輔國持權春申君為楚相

四年秦破趙之長平軍四十餘萬五年圍邯

鄲邯鄲告急於楚楚使春申君將兵往救之

秦兵亦去春申君歸春申君相楚八年為楚

北伐滅魯索隱曰年表云八年取魯以荀卿

為蘭陵令當是時楚復疆趙平原君使人於
春申君春申君舍之於上舍趙使欲夸楚為
璫瑁簪刀劍室以珠玉飾之請命春申君客
春申君客三千餘人其上客皆躡珠履以見
趙使趙使大慙春申君相十四年秦莊襄王
立以呂不韋為相封為文信侯取東周春申
君相二十二年諸侯患秦攻伐無已時乃相
與合從西伐秦徐廣曰始而楚王為從長春

皇六年

申君用事至函谷關秦出兵攻諸侯兵皆敗
走趙考烈王以咎春申君春申君以此益踈
客有觀津人朱英正義曰觀音館今謂春申
君曰人皆以楚為疆而君用之弱其於英不
然先君時善秦二十年而不攻楚何也秦踰
函隘之塞正義曰龜音盲也而攻楚不便假
道於兩周皆韓魏而攻楚不可今則不然魏
旦暮亡不能愛許鄢陵其許魏割以與秦秦

計

兵去陳百六十里徐廣曰在許東南臣之所觀者見

秦楚之日鬪也楚於是去陳徙壽春而秦徙

衛野王作置東郡正義曰濮滑州兼河北置東郡濮州本衛都而徙野

也春申君由此就封於吳行相事楚考烈王

無子春申君患之求婦人宜子者進之甚衆

卒無子趙人李園持其女弟欲進之楚王聞

其不宜子恐父母寵李園求事春申君為舍

人已而謁歸故失期還謁春申君問之狀對

曰齊王使使求臣之女弟與其使者飲故失

期春申君曰娉入乎對曰未也春申君曰可

得見乎曰可於是李園乃進其女弟即幸於

春申君知其有身李園乃與其女弟謀園女

弟承間以說春申君曰楚王之貴幸君雖兄

弟不如也今君相楚二十餘年而王無子即

百歲後將更立兄弟則楚更立君後亦各貴

其故所親君又安得長有寵乎非徒然也君

貴用事久多失禮於王兄弟兄弟誠立禍且
及身何以保相印江東之封乎今妾自知有
身矣而人莫知妾幸君未久誠以君之重而
進妾於楚王王必幸妾妾賴天有子男則是
君之子為王也楚國盡可得孰與身臨不測
之罪乎春申君大然之乃出李園女弟謹舍
而言之楚王楚王召入幸之遂生子男立為
太子以李園女弟為王后楚王貴李園園用

事李園既入其女弟立為王后子為太子恐
春申君語泄而益驕陰養死士欲殺春申君
以滅口而國人頗有知之者春申君相二十
五年楚考烈王病朱英謂春申君曰世有母
望之福正義曰無望猶又有母望之禍索隱曰周
易有無妄卦其義殊也今君處母望之世正義曰謂事
母望之主正義曰謂喜安可以無母望之人
乎正義曰謂春申君曰何謂母望之福曰君
吉凶忽為

相楚二十餘年矣。雖名相國，實楚王也。今楚王病且暮，且卒而君相少主，因而代立當國。如伊尹、周公，王長而反政，不即遂南面稱孤而有楚國，此所謂毋望之福也。春申君曰：何謂毋望之禍？曰：李園不治國而君之仇也。索隱曰：言園是春申之仇也。戰國策作君之舅，謂為王之舅意。不為兵而養死士之日久矣。楚王卒，李園必先入，據權而殺君，以滅口。此所謂毋望之禍也。春申君曰：何

謂毋望之人？對曰：君置臣，即中楚王卒，李園必先入，臣為君殺李園，此所謂毋望之人也。春申君曰：足下置之，李園弱人也。僕又善之，且又何至此？朱英知言，不用恐禍及身，乃亡去。後十七日，楚考烈王卒，李園果先入伏死於棘門之內。正義曰：壽州城門。春申君入棘門，園死，士俠刺春申君，斬其頭投之棘門外。正義曰：楚考烈王二十五年，於是遂使吏盡滅春申君之

家而李園女弟初幸春申君有身而入之王

所生子者遂立是為楚幽王索隱曰按楚捍有母弟猶猶有

庶兄負芻及昌平君是楚君完非無子而上文云考烈王無子誤也是歲也秦

始皇帝立九年矣嫪毐亦為亂於秦覺夷其

三族而呂不韋廢

太史公曰吾適趙觀春申君故城宮室盛矣

哉初春申君之說秦昭王及出身遣太子歸

何其智之明也後制於李園旄矣徐廣曰旄音耄語

邪曰當斷不斷反受其亂春申君失朱英之謂

索隱述贊曰

黃歇辯智 權略秦楚 太子獲歸

身作宰輔 珠炫趙客 邑開吳土



烈王寡胤 李園獻女 無妄成災


朱英徒語

春申君列傳第十八

史記七十八

土





111

112

113

114

115

116

117

118

119

120

121

122

123

124

125

126

127

128

129

130

131

132

133

134

135

136

137

138

139

140

141

142

143

144

145

146

147

148

149

150

151

152

153

154

155

156

157

158

159

160

161

162

163

164

165

166

167

168

169

170

171

172

173

174

175

176

177

178

179

180

181

182

183

184

185

186

187

188

189

190

191

192

193

194

195

196

197

198

199

200

201

202

203

204

205

206

207

208

209

210

211

212

213

214

215

216

217

218

219

220

221

222

223

224

225

226

227

228

229

230

231

232

233

234

235

236

237

238

239

240

241

242

243

244

245

246

247

248

249

250

251

252

253

254

255

256

257

258

259

260

261

262

263

264

265

266

267

268

269

270

271

272

273

274

275

276

277

278

279

280

281

282

283

284

285

286

287

288

289

290

291

292

293

294

295

296

297

298

299

300

301

302

303

304

305

306

307

308

309

310

311

312

313

314

315

316

317

318

319

320

321

322

323

324

325

326

327

328

329

330

331

332

333

334

335

336

337

338

339

340

341

342

343

344

345

346

347

348

349

350

351

352

353

354

355

356

357

358

359

360

361

362

363

364

365

366

367

368

369

370

371

372

373

374

375

376

377

378

379

380

381

382

383

384

385

386

387

388

389

390

391

392

393

394

395

396

397

398

399

400

401

402

403

404

405

406

407

408

409

410

411

412

413

414

415

416

417

418

419

420

421

422

423

424

425

426

427

428

429

430

431

432

433

434

435

436

437

438

439

440

441

442

443

444

445

446

447

448

449

450

451

452

453

454

455

456

457

458

459

460

461

462

463

464

465

466

467

468

469

470

471

472

473

474

475

476

477

478

479

480

481

482

483

484

485

486

487

488

489

490

491

492

493

494

495

496

497

498

499

500

501

502

503

504

505

506

507

508

509

510

511

512

513

514

515

516

517

518

519

520

521

522

523

524

525

526

527

528

529

530

531

532

533

534

535

536

537

538

539

540

541

542

543

544

545

546

547

548

549

550

551

552

553

554

555

556

557

558

559

560

561

562

563

564

565

566

567

568

569

570

571

572

573

574

575

576

577

578

579

580

581

582

583

584

585

586

587

588

589

590

591

592

593

594

595

596

597

598

599

600

601

602

603

604

605

606

607

608

609

610

611

612

613

614

615

616

617

618

619

620

621

622

623

624

625

626

627

628

629

630

631

632

633

634

635

636

637

638

639

640

641

642

643

644

645

646

647

648

649

650

651

652

653

654

655

656

657

658

659

660

661

662

663

664

665

666

667

668

669

670

671

672

673

674

675

676

677

678

679

680

681

682

683

684

685

686

687

688

689

690

691

692

693

694

695

696

697

698

699

700

701

702

703

704

705

706

707

708

709

710

711

712

713

714

715

716

717

718

719

720

721

722

723

724

725

726

727

728

729

730

731

732

733

734

735

736

737

738

739

740

741

742

743

744

745

746

747

748

749

750

751

752

753

754

755

756

757

758

759

760

761

762

763

764

765

766

767

768

769

770

771

772

773

774

775

776

777

778

779

780

781

782

783

784

785

786

787

788

789

790

791

792

793

794

795

796

797

798

799

800

801

802

803

804

805

806

807

808

809

810

811

812

813

814

815

816

817

818

819

820

821

822

823

824

825

826

827

828

829

830

831

832

833

834

835

836

837

838

839

840

841

842

843

844

845

846

847

848

849

850

851

852

853

854

855

856

857

858

859

860

861

862

863

864

865

866

867

868

869

870

871

872

873

874

875

876

877

878

879

880

881

882

883

884

885

886

887

888

889

890

891

892

893

894

895

896

897

898

899

900

901

902

903

904

905

906

907

908

909

910

911

912

913

914

915

916

917

918

919

920

921

922

923

924

925

926

927

928

929

930

931

932

933

934

935

936

937

938

939

940

941

942

943

944

945

946

947

948

949

950

951

952

953

954

955

956

957

958

959

960

961

962

963

964

965

966

967

968

969

970

971

972

973

974

975

976

977

978

979

980

981

982

983

984

985

986

987

988

989

990

991

992

993

994

995

996

997

998

999

1000

